



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BOBEDI (P2)**

**EXEMPLAR (FOLKLORE) 2015**

**MEMORANTAMO**

**MADUO: 25**

**Memorantamo o, o na le ditsebe di le 5.**

**KAROLO YA B: DITLHANGWA TSA SETSO****POTSO 12: POTSO YA TLHAMO*****Ditlhanga tsa Setso – G Leeu le ba bangwe***

ELA TLHOKO: Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**TLHOLEGO YA MORAFE WA BATLHAPING – CLS Thobega, BATLHAPING BA KGOTLA OORRAMAIDI – PC Mooa**

- Leboko le kaya fa Batlhaping ba, e ne e le ba kgotla ya oorramaidi, ditlogolo tsa kgotla ya oorramankurwane. E ne e le bana ba madi a segosi ba ga Maudi. Ba ipela ka mmala wa bona o o galalelang.
- Go supa kgora ya bona ba tlhapa ka tlhoa ntswa metsi a le teng.
- Ba tsalana le kgotla ya oorramankurwane bana ba ga Mothibi le Maudi beng ba Noka e Tshetlha. Ke Batlhaping tota ba madi, ga ba ipateletse bogosi.
- Ke batho ba ba ratang metsi jaaka tlhapi, ga ba je tlhapi, mme ba a e ana.
- Mo naaneng mokwadi o tlhagisa fa morafe wa Batlhaping o ne o eteletse pele ke kgosi Mamae. Go kaiwa fa boswa jwa nkwe e leng bogosi e ne e le jwa ga Phuduhudu, mme ka ntlha ya botshwakga jwa tsewa ke Phuduhutswana monnawe.
- Batlhaping le Barolong e ne e le bana ba monna a le mongwe mme ka ntlha ya kgaogano, Phuduhutswana a nna kgosi ya Batlhaping mme ba ya go nna gaufi le Noka e Tshetlha.
- Ka pilediwa e lwelwa e bile maropeng go boelwa, Tau yo o neng a setse le Barolong kwa Taung a bitsa Batlhaping gore ba boele kwa gae kwa Taung maikaelelo e le go leka go tlisa kagiso.
- Ka morafe wa ga Phuduhutswana o ne o sa ipateletse Batlhaping ka ba ne ba nkgisana losika le kgotla ya oorramankurwane, e leng bana ba Mothibi le Maudi ba ne ba boela Taung.
- Phuduhutswana o ne a belaela mogolowe e leng Tau gore ga go tle go nna le kagiso mo go boeleng ga gagwe le morafe kwa Taung.
- Ka ntlha ya pelaelo e, Phuduhutswana a itira susu, mme a bolelela bana gore o ikabile ditsebe ka kopo ya ga mogolowe.
- Ka go ithaya a re Phuduhutswana ke susu ya nnete, Barolong ba seba ka Batlhaping ba na le Phuduhutswana. Ba tlhalosa fa Batlhaping e le dirukutlhi tse di tshwanetsweng ke go sokololwa, mme ba ikaelela go ba direla sediko, sakana la nkope bosigo, ba ba tlhasela.
- Phuduhutswana a se ka a utlwa ka tsa ga Morakile. Ka gaabo boi go sa lelwe, a itsise Batlhaping gore ba phuthe diphoko le dipodi tsa meroba, ba ineye naga pele ba tlhaselwa. Ka e ne e le bosigo, diphoko tsa tsosa modumo, Barolong ba utlwa mme ba tla ba re ba tlile go ba bolaya, ba fitlhela naga e le tshetlha.
- Barolong ba ne ba sala Batlhaping morago mme ba ba fitlhela mo dikgageng ba nna le Barwa le Bakgothu, mme ba tlhabana.

- Ka noga e se ke e latelwa mosimeng, Batlhaping ba phatlhalatsa ba ga Tau, ba ne ba bowa mme ba gapa motse wa Taung. Ba kgonne go fenya morafe wa ga Tau ka ntlha ya fa ba ne ba ipela ka setso sa bona, gammogo le go lwela lefatshe le e leng la bona boemong jwa go phatlhalatsa morafe jaaka Tau a ne a dira.
- Mo tlhologong ya morafe wa Batlhaping go nnile le dikgwetlho tse ba rakaneng natso, mme kwa bofelong ba kgonne go di fenya mme ba di fenya mme gompiano ba tshela ka kagiso jaaka fa re bona mo lebokong ba ipela ka Botlhaping jwa bona.
- Le fa gone tsela e nnile le dikgwetlho, ga go se se gaisang legae la motho jaaka go kaiwa ke seane: gaabo motho go thebephatshwa.

**[25]****KGOTSA****POTSO 13 (a) (DIPOTSO TSE DIKHUTSHWANE)****KGARUBANE LE DIGODI – CLS Thobega**

- 13.1 Badiragatsibagolo ke diphologolo tse di nang le maikutlo.  
Diphologolo tse di kgona go bua le go galefa.  
Diphologolo tse di kgona go dira ditiro tsa setho. (3)
- 13.2 Dinwang mmogo di a dibosana/Mabogo dinku a a thebana.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.3 Bogale - ga a rate go rumolwa.  
Sematla - o iphaga dibese mo dilong tse di kgakala le ena.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.4 E raraanya ditiragalo tsa naane ka go lebatsa Kgarubane ditaello mme a feleletsa a ruthagane fa fatshe. (2)
- 13.5 Tirisanommogo/Kutlwano/Thusano ya Kgarubane le Digodi.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.6 E senola ka moo go neng go tlhokega gore Digodi di thuse Kgarubane go batla metsi gore morero wa naane o tswelole pele.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.7 Go re motho a se ka a iphaga dibese mo dilong tse di kgakala le ena tse di ka mo tsenya mo mathateng/Motho a se ka a nna phudufudu e e thamo telele e e batwang ke marumo a sa e lebana.  
(Dikarabo tsa batlhatlhojwa tse di nepagetseng di elwe tlhoko.) (2)

**POTSO 13 (b) (DIPOTSO TSE DIKHUTSHWANE)****KGOSI MOLEFI K PILANE – MOM Seboni le ba bangwe**

- 13.8 Mmoki o dirisitse neeletsano go gatelela bokao jwa se a batlang kgosi e se diragatsa. (2)
- 13.9 Kgosi thothobolo e olelwa matlakala. (2)
- 13.10 Tlhatlagano e dirisitswe go gatelela bokao le molaetsa wa se mmoki a ikuelang kgosi gore e se diragatse. (2)
- 13.11 Go dilo dingwe tse di sa siamang tse kgosi e di dirang tse di patlhalatsang le go kgaoganya morafe.  
(Dikarabo tsa batlhatlhojwa tse di nepagetseng di elwe tlhoko.) (2)
- 13.12 Maropeng go a boelwa, go sa boelweng ke teng/Gaabo motho go thebe phatshwa/Motho o tshwanetse go lwantsha mathata a motse wa gaabo, e seng go a tshabela.  
(Dikarabo tsa batlhatlhojwa tse di nepagetseng di elwe tlhoko.) (2)
- [25]**

**PALOGOTLHE YA KAROLO YA B: 25**

**KAROLO YA B: RUBORIKI YA TLHATLHOBO YA DITLHAMO TSA DIKWALO: DITLHANGWA TSA SETSO [25 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
<b>DITENG</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Thanolo ya setlhogo Ngangisano e e tseneletseng, katlholo le go tihaloganya setlhangwa  <b>15 MADUO</b>	-Tsibogelo ka dinaledi: 14–15 -Tsibogelo e e manontlhotlho: 12–13 -Thanolo e e tseneletseng ya setlhogo -Motseletsele o o itumedisang wa dintlha tsa ngangisano, di tshegediwa ka botlalo go tswa mo dikwalong -Go tihaloganya mofutakwalo le setlhangwa go go manontlhotlho	-O bontsha go tihaloganya, gape o ranotse setlhogo sentle -Tsibogelo e e lekalekanang ya dintlha -Dintlha tse di utlwalang tsa ngangisano, fela ga se tsothe tse di tshegeditsweng jaaka go ne go tshwanetse -Go tihaloganya mofutakwalo le setlhangwa go a bonala	-Thanolo ya setlhogo e e mo magareng, ga se diponagalo tsothe tse di tihagisitsweng ka botlalo -Go na le dintlha dingwe tse dintle tse di tshegetsang setlhogo -Dintlha dingwe tsa dingangisano di tshegeditswe, mme fela bosupi ga bo dumelesege ka metlha -Tihalogantse bontlhabongwe jwa mofutakwalo le setlhangwa	-Thanolo e e tihaelang ya setlhogo, ga go na le diponagalo dipe tse di tihagisitsweng ka botlalo -Go dintlha di le mmalwa tse di tshegetsang setlhogo -Dintlha tsa ngangisano tse di maleba di dinnye thata -Go tihaloganya mofutakwalo le setlhangwa go gonnye thata	-Setlhogo ga se tihalogangwe -Maiteko a a bokoa a go araba potso -Dintlha tsa ngangisano ga di dumelesege -Morutwana ga a kgona go tihaloganya mofutakwalo kgotsa setlhangwa
<b>KAGEGO LE PUO</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Popego, kelelo e e tihaloganyegang le tihagiso Puo, segalo le setaele tse di dirisitsweng mo tlhamong  <b>10 MADUO</b>	-Popego e e lomaganeng -Matseno le bokhutlo di manontlhotlho -Dintlha tsa ngangisano di agegile sentle -Puo, segalo le setaele di supa kgolo, di a kgalthisa, di nepagetse	-Kagego e e tlhamaletseng le kelelo e e utlwalang ya ngangisano -Matseno, bokhutlo le ditemana dingwe di rulagantswe sentle ka tomagano -Kelelo e e utlwalang ya ngangisano -Bogolo puo, segalo le setaele di nepagetse	-Go na le bosupi jwa kagego -E a tihaloganyega le go lomagana fela e na le diphoso -Diphoso di le mmalwa tsa puo, segalo le setaele tse di nepagetseng go le go ntsi -Bontsi jwa ditema di nepagetse	-Popego e supa thulaganyo e e fosagetseng -Dintlha tsa ngangisano ga di a rulagangwe sentle -Diphoso tsa puo di a bonala -Segalo le setaele tse di seng maleba -Ditemana di fosagetse	-Go tlhokagala ga kagego go kgoreletsa kelelo ya ngangisano -Diphoso tsa puo le setaele se se fosagetseng di tlhola setlhangwa se se sa atlegang -Segalo le setaele tse di seng maleba
<b>SEELO SA MADUO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>